



PAENITENTIARIA APOSTOLICA

Prot. N. 762/15/I

B E A T I S S I M E P A T E R ,

Eduardus Robles-Gil Orvañanos, Superior Generalis Congregationis Legionariorum Christi ac Moderator Movimenti a Regno Christi, sensus devotionis erga Sanctitatem Tuam pandens, nomine omnium consodalium, reverenter exponit: a. MCMXLI initium habuit praefatum religiosum institutum, a. MCMXLVIII in Dioecesi Cuernavacensi canonice erectum annoque MCMLXV ad gradum instituti iuris pontificii evectum. Ad septuagesimum quintum annum completum digne celebrandum, in singulis sacellis Legionariorum Christi ac sodalium Movimenti a Regno Christi sollemnes habebuntur ritus ac religiosa incepta, a sollemnitate Sacr.mi Cordis Iesu vertentis anni usque ad eandem sollemnitatem anni MMXVI, peragenda. Quo suis consodalibus divina largitas magis aperiatur et inde fructus spirituales abundantiores hauriantur, praefatus Rev.mus Orator Indulgentiarum donum ad instar Iubilaei submisso petit. Et Deus, etc.

Die XXVII Iulii MMXV

PAENITENTIARIA APOSTOLICA, de mandato Sanctissimi Patris Francisci Pp., *Iubilarem* benigne concedit *Annum cum adnexa plenaria Indulgencia*, suetis sub condicionibus (sacramentali confessione, eucharistica communione et oratione ad mentem Summi Pontificis) sodalibus Congregationis Legionariorum Christi ac totius Movimenti a Regno Christi, vere paenitentibus et unitis cordibus cum spiritualibus finibus Anni Vitae Consecratae et proximi Anni Misericordiae Sancti semel in die lucranda, quam etiam animabus fidelium in Purgatorio detentis per modum suffragii applicare possint:

a.- in sollemnitatibus D. N. Iesu Christi Universorum Regis a. MMXV et Sacr.mi Cordis Iesu a. MMXVI, dummodo emiserint vel renovaverint, saltem privatum, promissionem fideliter explendi suae vocationis officia, et per congruum temporis spatium preces Deo effuderint pro fidelitate patriae ad christianam vocationem, pro sacerdotalibus ac religiosis impetrans vocationibus et pro defendendo humanae familiae instituto, concludendum Oratione Dominica, Symbolo Fidei et invocatione Mariae Reginae Apostolorum;

b.- quoties operibus misericordiae sive corporalibus (pascere esurientes, potare sitientes, colligere hospites, vestire nudos, visitare infirmos, redimere captivos, sepelire mortuos) sive spiritualibus (corrigere peccantes, docere ignorantem, consulere dubitantes, consolare afflictum, ferre onerosos et graves, condonare offensas, orare pro omnibus), per congruum tempore pie incubuerint, concludendum Oratione Dominica, Symbolo Fidei et invocatione Mariae Reginae Apostolorum;

c.- quoties misericordi animo, sive doctrinae christiana tradendae vel discendae, sive novae evangelizationis missionibus per congruum tempore operam dederint, concludendum Oratione Dominica, Symbolo Fidei et invocatione Mariae Reginae Apostolorum.

Legionarii Christi sodalesque totius Movimenti a Regno Christi, propter senectutem aut infirmitatem legitime impediti, in loco ubi impedimentum eos detinet, *plenariam* quolibet die consequi valebunt *Indulgentiam*, concepta detestatione cuiusque peccati, et intentione praestandi, ubi primum licuerit, tres consuetas condiciones, si iubilaribus celebrationibus vel spiritualibus inceptis se spiritualiter adiunixerint, precibus doloribusque suis Deo per Mariam oblatis pro nova populorum evangelizatione et Regni Cordis Iesu Christi instaurazione.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut sacerdotes Legionarii Christi totiusque Movimenti a Regno Christi, prompto et generoso animo, celebrationi Paenitentiae sese praebant et Sanctam Communionem infirmis saepe ministrent.

Praesenti per Iubilarem Annum valituro. Contrariis quibuslibet non obstantibus.

Maurus Card. Piacenza
MAURUS Card. PIACENZA
Paenitentiarius Maior

Christophorus Nykiel
CHRISTOPHORUS NYKIEL
Regens